

## বিভ্রান্তির অবসান চাই

জাতীয় শিক্ষাক্রম ও পাঠ্যপুস্তক বোর্ড চতুর্থ শ্রেণীর সমাজ পরিচিত বইতে যখন আওয়ামী লীগ ক্ষমতায় ছিল তখন '৭১-এর ২৬ মার্চ ঘোষক হিসেবে শেখ মুজিবের নাম বলেছে। তিনি '৭১-এর স্বাধীনতার ঘোষক ছিলেন। বিগত ৫ বছর চতুর্থ শ্রেণীর ছাত্রছাত্রীরা জেনেছে যে, স্বাধীনতার ঘোষক ছিলেন শেখ মুজিব। কিন্তু, নতুন সরকার বিএনপি ক্ষমতায় আসার পর পাঠ্য বই পরিবর্তন করে বলেছে যে, বালুরঘাট বেতার কেন্দ্র থেকে জিয়াউর রহমান স্বাধীনতা ঘোষণা করেন। এ ছাত্রছাত্রী গত বছর চতুর্থ শ্রেণীতে অকৃতকার্য ছিল তারা এইবার অন্যভাবে এটি পুনরায় পাঠ করছে। যার ফলে তারা বিভ্রান্তির মুখোমুখি হচ্ছে।

কিন্তু কেন এই বিভ্রান্তি? দুইটি দল ক্ষমতায় আসার পর দুই রকমভাবে '৭১-এর ২৬ মার্চ স্বাধীনতার ঘোষকের নাম এবং কর্মকাণ্ড ব্যাখ্যা করেছে। ছাত্রছাত্রীদের অসুবিধার কথা না ভেবে নিজেদের নিয়ে এবং নিজেদের দলকে নিয়ে ভাবছে। তাদের কাছে শিক্ষার মান কতোটুকু? ছাত্রছাত্রীরা কি অর্জন করছে এটা তারা ভাবছে না।

বিভ্রান্তি পুনরায়ও ঘটবে যখন আরেক সরকার ক্ষমায় আসবে। তারা স্বাধীনতার ঘোষক হিসেবে নিজেদের দলের কারও নাম তুলে ধরবে। বিভ্রান্তির অবসান চাই। স্থায়ীভাবে পাঠ্য বইতে এক জনের নামই তুলে ধরা হোক। এবং যে সরকারই আসুক না কেন এক নামই বহাল রাখা হোক।

মাননীয় শিক্ষা মন্ত্রীর কাছে বিনীত অনুরোধ এই যে, পাঠ্য পুস্তকে সব সময়ের জন্য একই তথ্য তুলে ধরা হোক। যে সরকারই ক্ষমতায় আসুক না কেন ঐ নাম যেন ও না বদলায়। তথ্য তো বদলাশো যায় না। এ বিভ্রান্তির অবসান চাই আমরা সকলে।

কাজী তাহমিনানুর বহি  
 পা.ফো- ১১২৩৭  
 দেওয়ানহাট, চট্টগ্রাম।